

आकाशवाणी

खास खास खबरां

- 1 प्रधानमंत्री नरेन्द्र मोदी होरें आखेआ जे रूस ते यूक्रेन बश्कार युद्ध शुरू होने थमां गै भारत म्हेशां थमां शांति दे पक्ख च हा। प्रधानमंत्री होर दौ मुख्यें दे कामयाब दौरें थमां मुख्य वापस परतोई आए न।
- 2 केन्द्र मंत्री रक्षा खड़से नेपाल च होए दे बस हादसे च घायलें ते पीडितरें गी मुख्य वापस परताने आली प्रक्रिया दी दिक्ख—सुन्न करने लेई काठमांडू पुज्जी गेइयां न।
- 3 अमरीका नै 52 मीलियन डॉलरें दी कीमत आले अत्याधुनिक एंटी समरीन युद्ध संयंत्र भारत गी बेचने दी मंजूरी देई दित्ती ऐ।
- 4 प्रधानमंत्री नरेन्द्र मोदी होर कल आकाशवाणी परां मन की बात कार्यक्रम राएं अपने बचार सांझे करगंन।
- 5 क्रिकेट खडारी शिखर धवन नै अंतर्राष्ट्रीय ते घरेलू क्रिकेट थमां सन्यास दी घोषणा करी दित्ती ऐ।

<><><><><><>

PM-Poland

प्रधानमंत्री नरेन्द्र मोदी होर पोलैंड ते यूक्रेन दी सफल यात्रा दे बाद अज्ज दपैहरी दिल्ली वापस आइ गे न। इस दौरें दरान प्रधानमंत्री होरें वारसा च अपने प्रधानमंत्री डोनाल्ड टस्क हुंदे कन्नै गल्लबात कीती। दौनें नेताएं इस सांझीदारी गी होर मजबूत करने दा फैसला कीता। यूक्रेन च प्रधानमंत्री ते यूक्रेन दे राष्ट्रपति बोजादिमीर जेलेंस्की होरें कीव च बैठक कीती। इस दरान यूक्रेन च सामुदायिक विकास परियोजनाएं, नशा नियंत्रण दे मानकें, सांस्कृतिक आदान—प्रदान ते खेती बाड़ी सनें बक्ख—बक्ख क्षेत्रें च दपक्खी रिश्ते गी मजबूत करने लेई 4 एमओयू पर

दस्तखत कीते गे। प्रधानमंत्री होरें इस गल्लै उप्पर जोर भरेआ जे यूक्रेन ते रूस गी दौनें मुख्यें बशकार जारी टकराव गी हल्ल बारे रस्ते तुपपने लोड़चदे न।

<><><><><><>

Kadge Nepal

नेपाल दे तानहुन जिले च होई दी बस दुर्घटना दे पीड़ितें ते घायलें गी मुख्य वापस आन्नने दी प्रक्रिया दी दिक्ख-सुन्न करने लेई युवा मामले दे ते खेड़ें सरबंधी मैहकमे दी केन्द्र राज्य मंत्री रखा खडसै काठमांडू पुज्जी गेइयां न। ओह घायलें गी मिलने लेई त्रिगुवन यूनिवर्सिटी टीचिंग अस्पताल बी गेइयां। 16 घायलें गी इलाज लेई हवाई जहाजे राएं काठमांडू लैता गेआ। घायलें दे बेहतर इलाज ते मरने आलें दे पार्थिव शरीरें गी वापस मुख्य पजाने लेई भारतीय दूतावास मकामी प्रशासन कन्नै लगातार संपर्क च ऐ। भारतीय अम्बैसी नै एमरजेंसी नंबर बी जारी कीते न, जेहड़े न 977-9851107021, 977-9851316807 ते 977-9749833292

<><><><><><>

PM

प्रधानमंत्री नरेन्द्र मोदी होरें नेपाल दे तानहुन जिले च होए दे बस हादसे दे पीड़ितें गी मुआवजा देने दी घोषणा कीती ऐ। हादसे च मरने आलें दे नेड़में सरबंधी गी प्रधानमंत्री राश्ट्री राहत फंड थमां 2-2 लक्ख रपे ते घायलें गी 50-50 जहार रपे दी माली मदाद दित्ती जाग। काठमांडू च भारतीय दूतावास नै आखेआ जे दुर्घटना च 27 भारतीय मारे गे न।

<><><><><><>

Maha Sonowal

केन्द्री बंदगाहें जहाजरानी ते जलमार्ग मंत्री सर्वानंद सोनोवाल होरें गलाया ऐ जे उंदा मंत्रालय नाविकें दी सुरक्षा कल्याण ते विकास लेई वचनबद्ध ऐ। कल महाराष्ट्र दे पवई च समुंद्री प्रशिक्षण संस्थान एमटीआई च वरिष्ठ अधिकारिएं दे ते युवा कैडेअें गी संबोधत करदे होई मंत्री होरें इस दिशा च सरकार दी गैह ते पैहलकदमिएं गी उजागर कीता। उनें गलाया जे सरकार भारत गी शीर्ष दस समुंद्र मुखें च शामिल करना चाहदी ऐ।

<><><><><><>

Scindia Telecom

संचार मंत्री ज्योतिरादित्य सिंधिया होरें दूर संचार सेवा देने आलें गी आखेआ ऐ जे ओ इस गल्लै गी जकीनी बनाने लेई सारे उपाह करन जे नागरिकें गी खरी गुणवत्ता आली दूर संचार सेवा थोई सकन। श्री सिंधिया होरें हाल च गै गठित दूर संचार सरबन्धी हित धारकें दी सलाहकार समिति कन्नै कल नमीं दिल्ली च दूई बैठक कीती। श्री सिंधिया होरें सेवाएं दी गुणवत्ता ते भारत दे 6^{जी} बिजन बारे चर्चा कीती।

<><><><><><>

US-India

अमरीका दे विदेश मंत्री एंटनी ब्लिंकन होरें सीहॉक हेलीकाप्टर एमएच-60 आर लेई 52 मीलियन डॉलरें दी कीमत आली अत्याधुनिक एंटी समरीन लड़ाकू पनडुब्बी ते सरबन्धी समेयान भारत गी बेचने दी मंजूरी देइ दित्ती ऐ। अमरीका दी रक्षा सुरक्षा साथ सैहयोग अर्जेसी ने अमरीकी कांग्रेस आस्सेआ इस बिक्री गी मंजूरी थोने मगरा जरूरी दस्तावेज जारी कीते। बाइडेन प्रशासन ते इक अधिसूचना राएं आखेआ जे इस समझोते कन्नै मुखे दी विदेश नीति ते राष्ट्री सुरक्षा दे उद्देश्यें गी भारत जेनह पमुख रक्षा भ्याल मुखें कन्नै दपक्खी सामरिक सांझ भ्याली गी होर तगड़ा करने दा मौका थोग।

<><><><><><>

Rajnath Singh

रक्षामंत्री राजनाथ सिंह होरें गलाया ऐ जे भारत क्षमता निर्माण लेई रक्षा क्षेत्रें ते टिकाऊ प्रौद्योगिकी ते औद्योगिकी भागीदारी लेई अमरीका कन्नै मिलियै कम्म करने लेई तैआर ऐ। सिंह होर कल वाशिंग्टन डीसी च अमरीका भारत सामरिक भागीदारी मंच आस्सेआ आयोजत गोलमेज बैठक च अमरीकी रक्षा उद्योग दे वरिष्ठ प्रतिनिधिं कन्नै वार्ता दरान एह गलाया। रक्षा मंत्री होरें गलाया जे भारत अमरीका निवेश ते प्रौद्योगिकी सैह्योग दा सुआगत करदा ऐ ते ओह कुशल मानव संसाधन आधार प्रत्यक्ष विदेशी निवेश ते काराबार अनुकूल मजबूत बवस्था कन्नै तैआर ऐ।

<><><><><><>

Encounter

अज्ज बारामुलाजिले दे उत्तरी कश्मीर दे सोपोर इलाके च सुरक्षा बले इक आतंकी गी मारी मकाया ऐ। आतंकिं सफीयाबाद दे बत्तरगाम इलाके च नाके उप्पर हमला करी दित्ता जेह्दे मगरा सुरक्षा बलें ते आतंकिं बश्कार टाकरा बक्खी गेआ। इस गोलीबारी च इक आतंकी मारेआ गेआ। इलाके दी घेराबंदी करी तपाशी अभियान चलाया जा'रदा ऐ। एह्दे बारे होर मती जानकारी गी बलगेआ जा'रदा ऐ।

<><><><><><>

R.G. Kar Kolkatta

केन्द्रीय जांच ब्यूरो आर.जी.कर मैडिकल कालेज ते अस्पताल दे साबका प्रिंसिपल संदीप घोष सनें 7 लोकें उप्पर पोलीग्राफ जांच करा'रदी ऐ। कोलकाता पुलस दे 2 नागरिक जेह्ड़े सवयं सेवकें न उंदे उप्पर बी पोलीग्राफ जांच कीती जा'रदी ऐ। जिंदे च इस घटना दे इकलोते गिरफ्तार कीते गेदे संजय राय ते इस घटना शा

पैहले पीड़ित दे कन्नै रौहने आले 4 डाक्टर शामिल न। पोलीग्राफ लेइ जरूरी मंजूरी सीबीआई गी सीलबंडाह कोर्ट आस्सेआ दित्ती गई ऐ।

<><><><><><>

Assam

असम दे ढिग च नाबालिक कुड़ी कन्नै दुष्कर्म दे मुख्य आरोपी दी अज्ज बडलै मौत होई गई। पुलस आस्सेआ गिरफ्तार कीते गेदे आरोपी तफाजुल इस्लाम फरार होई गेआ ते उसनै तलाह च शाल मारी दितती जित्थें डुब्बने कन्नै उसदी मौत होई गई। बाद च पुलस नै एसडीआरएफ टीम दी मदद कन्नै उसदी लोथ गी बरामद करी लेआ। साढ़े संवाददाता दी रिपोर्ट मूजब नगांव जिले दे एिग च इस दुष्कर्म च त्रै लोक शामिल हे ते जिंदे लेई रियासत भरै च मता विरोध प्रदर्शन होआ।

<><><><><><>

PM-MKB

प्रधानमंत्री नरेन्द्र मोदी होर औंदे ऐतवारे आकाशवाणी पर प्रसारत होने आले “मन की बात” कार्यक्रम राएं लोकें कन्नै अपने बचार सांझा करगंन। एह इस रेडिया कार्यक्रम दी 113मीं कड़ी होग। प्रधानमंत्री नरेन्द्र मोदी हुंदे आस्सेआ लगातार त्रीह बारी प्रधानमंत्री दा औहदा संभालने मगरा एह त्रिया मन की बात कार्यक्रम होग। एह कार्यक्रम आकाशवाणी ते दूरदर्शन दे सारे नेटवर्क, आकाशवाणी समाचार दी वैबसाइट ते न्यूज ऑन एयर ऐप पर बी कन्नो कन्नी प्रसारत कीता जाग। इस कार्यक्रम दा लाइव प्रसारण आकाशवाणी समाचार, डीडी न्यूज़, प्रधानमंत्री हुंदे दफ्तर ते सूचना ते प्रसारण मंत्रालय दे यू ट्यूब चैनलें पर बी कीता जाग। आकाशवाणी पर हिंदी प्रसारण दे तुरत मगरा एहदा क्षेत्रीय भाषाएं च बी प्रसारण कीता जाग।

<><><><><><>

Dhawan

भारतीय क्रिकेटर शिखर धवन नै अंतर्राष्ट्रीय क्रिकेट दे त्रौनें प्रारूपें थमां सन्यास दी घोषणा करी दित्ती ऐ। इक सोशल मीडिया पोस्ट च धवन नै आखेआ जे ओह फैंस दा उंदे समर्थन ते प्यार लेई शुक्रिया अदा करदे न। धवन नै भारत लेई अपना खीरी मैच दिसम्बर 2022 च बंग्लादेश खलाफ खेड्डेआ हा। धवन नै भारत दी तरफा 34 टैस्ट, 167 इक दिवसीय ते 68 टी-20 मैच खेड्डे ते इक दिनी अंतर्राष्ट्रीय मैचें च 6 ज्हार 793 रंजें सनें कुल 10 ज्हार 867 रंज बना। धवन नै अंतर्राष्ट्रीय ते घरेलू क्रिकेट दौनें थमां सन्यास लैने दी घोषणा कीती ऐ।

<><><><><><>

Gaza Polio

पूर्व दे कोल-काल च फिलिस्तीन शरणार्थिऐं लेई संयुक्त राष्ट्र राहत ते कम्में आली अजेंसी ने चेतावनी दित्ती ऐ जे गाजा च मानवीय विराम च देरी कारण बच्चे गी पोलियो दे प्रकोप दा सामना करना पवा'रदा ऐ। इस म्हीने दी 16 तरीक गी फिलिस्तीनी सेहत मंत्रालय नै दस्सेआ हा जे गाजा च इक 10 म्हीने दे बच्चें गी पोलियो वारिस दे किस्म दा पाजिटव पाया गेआ ऐ। अगले दिन संयुक्त राष्ट्र दे महासचिव होरें ऐलान कीता ऐ जे ओह म्हीने दे खीरै च दो गेडेंद । टीकाकरण अभियान शुरू करोग तो जे गाजा च 10एं ब'रें थमां घट्ट बरेसू दे 6 लक्ख 40 ज्हार शा मते बच्चें गी आकाकरण कीता जाई सके।

<><><><><><>

Reasi Kites

रियासी जिले च वोटरें गी औंदे असैंबली चुनाएं च अपने वोट पाने दे हक्क दा इस्तेमाल करने लेई उनेंगी प्रेरित करने स्वीप कमेटी आस्सेआ पतंग-मेले दा सरिस्ता कीता गेआ। वोटरें गी जानकार करने सरबन्धी इस प्रोग्राम च होरने दे इलावा दिव्यागयें बी हिस्सा लैता। इस पतंग मेले दा उद्घाटन रियासी दे जिला चुनां अधिकारी विशेष महाजन होरें कीता।



SVEEP Doda

जम्मू कश्मीर च विधानसभा चुनाएं गी दिक्खदे होई डोडा दे स्कूल स्वीप मुहिम च बधी—चढ़ियै हिस्सा लै'रदे न। इस पैहलकदमी दा उद्देश्य सब्बने योग्य वोटरें दा पंजीकरण ते उनेंगी वोट पाने दे बारे जानकार करना ऐ।



SVEEP Poonch

पुंछ जिले दे हायर सकेंडरी स्कूल हाड़ी बुड्डा च जाग्रती कार्यक्रम दा आयोजन कीता गेआ, जेहदे च वरिष्ठ नागरिके, बूथ स्तर दे जागरूकता समूह दे टीम मैबरे हिस्सा लैता। इस प्रोग्राम दा उद्देश्य सब्बने लोकें ते चेचा करी बुर्जुगें गी 25 सितम्बर गी होने आले विधानसभा चुनां च अपने वोट पाने दे अधिकार दा इस्तेमाल करने लेई प्रेरित करना हा।



Doda Women SVEEP

डोडा जिले च लैंगिक समानता गी बढ़ावा देने ते महिलाएं दी लोकतंत्र प्रक्रिया च शमूलियत बधाने लेई डोडा जिला अगामी चुनाएं च नमीं मिसाल कायम करा'रदा ऐ। इस बारे प्रशासन ने नेह मतदान केन्द्र खडेरे न, जित्थें महिला स्टाफ चुनां प्रक्रिया कन्ने जुड़े दे हर इक कम्म गी अंजाम देग। एहदे शा पैहले महिलाएं दी शमूलियत चुनाएं सरबंधी कार्यक्रम च बड़ी घट्ट दिक्खने गी लब्धी ऐ।

